



*Het nije begunstegersboek
 Steven en Wemeltje
 deur Simon van
 Wattum.*

Dag van t Grunneger Bouk

Op t Knoal was op 4 okt. dag van t Grunneger Bouk.

Tegen 2 uur stroomde foyer van t Geert Teisentrum vol.

Schouliender oet Veendam zongen wat laidjes o.l.v. meziekploug ien Daipswale mit Wim Dussel.

Kees Visscher hil n verhoal hou t begunstegersboek 'Steven en Wemeltje' van Simon van Wattum ontstoan was. Jan Boer langde t eerste boekje oet aan vraauw van Simon van Wattum.

t Hoogtepunt was t veurlezen van n verhoal oet t boekje deur Kees Visscher. t Ging over Suntermeerten.

Dou t officiële gedailte doan was kon elkenain zien gang goan.

Boukenkist was der ook vanzulf.

Haarm v.d. Veen prees zien Veenkoloniaal museum aan, der hongen taikens van Geert Schreuder.

Wieder wat kroamen van stichten Grunneger Kerken, kroamen mit puzzels en gehaaimschriften ien t Grunnegers.

Tegen 5 uur kon je nijste ploat van Ede Staal kopen.

Muite weerd.

Op 2 noa stoan der aalmoal Grunneger laidjes op.

Tekst staat op binnenkant van hoes.

s Oavends werd literaire pries deur Gerard Beukema oetlangd aan Kees Visscher veur zien bouk 'Appels in t park'.

Ede Staal kreeg posthuum de K. ter Laanpries. Gerard Beukema zee doarbie woorden van Geert Teis: „Hai verston ons volk en ons volk het hom verstoan”.

Wieder was der nog toneel en meziek en zang van Askay Brothers (!), Tuutjefloitors, en Chris Riedenberg.

Dizze dag ston ien t taiken van t Grunneger Bouk, mor dizze moal veuraal ook ien t taiken van Ede Staal.

Oet nr. 19

okt '81